

## **78 нафар эҳтиёжманд аёлларга бир марталик моддий ёрдам пуллари топширилди**

Бағдод туманида “Аёллар дафтари”нинг 4-босқичи доирасида белгиланган вазифалар, дафтар рўйхатига киритилган фуқароларни ҳар томонлама қўллаб-қувватлаш тадбирлари давом этмоқда.

Хусусан, боқувчиси бўлмаган эҳтиёжманд (3-тоифа) ҳамда ижтимоий ёрдамга муҳтоҷ I ва II гурӯҳ ногиронлиги бўлган, шунингдек, тезкор тиббий муолажага муҳтоҷ эҳтиёжманд хотин-қизлар (4-тоифа) сифатида рўйхатга олинган 78 нафар аёлнинг ҳар бирига 1 млн. 320 минг сўмдан (жами 102 млн. 960 минг сўм) бир марталик моддий ёрдам пуллари топширилди.

Шу муносабат билан, ташкилланган навбатдаги учрашувда туман ҳокими Юсуфжон Хусаинов бошчилигидаги сектор раҳбарлари ҳам қатнашди.

Тадбир аввалида сўз олган туман раҳбари, Юртбошимиз бошчилигига мамлакатимизда аёл-қизларни ҳар томонлама қўллаб-қувватлаш, касб-хунарли қилиш, бандлигини таъминлаш, уларнинг жамиятимиз ҳаётидаги ижтимоий-сиёсий фаоллигини ошириш, турли соҳаларда ўз қобилият ва имкониятларини рўёбга чиқариши учун яратилаётган шарт-шароитлар хусусида тўхталди.

Тумандаги ишсиз ва ҳимояга муҳтоҷ ҳар бир хотин-қизнинг бандлигини таъминлаш, уларни тадбиркорлик ва касб-хунарга йўналтириш, томорқадан самарали фойдаланишда кўмаклашиш, кредит ва субсидиялар ажратиш, мавжуд муаммоларни ўрганиш ва бартараф этиш ишларини ташкил этиб, уларни ижтимоий қўллаб-қувватлаш борасидаги амалий ишлар изчил давом этиши алоҳида таъкидланди.

Учрашувда, хотин-қизлар вакиллари ҳам сўз олиб, давлатимиз раҳбари ташабbusи билан юртимизда аҳолининг эҳтиёжманд, ёрдамга муҳтоҷ қатламига кўрсатилаётган ана шундай алоҳида эътибор ҳамда ғамхўрликлар учун миннатдорлик билдирилар.

**Бағдод тумани ҳокимлиги Ахборот хизмати.**

2023-05-30 20:10:24